



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Eberhardvs Ep. 1. Iulii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

medio tollendi ceperunt, opū, quas ingentes penes ipsum credebant, hereditatem paricidio adituri. At tanti sceleris merces fuit nummus tergeminus reperi- tus. Corpus in fluvium abjectū cæleste prodidit lumen, quod omnem ab eo loco noctem fugabat. Extraxere igitur pisces RVMOLDVM mortuum, ingentē tamen vel talem Adoni comiti prædam. *Ex Lippeloo.*

S. EBERHARDVS EP. I. *Julii.*

**E**BERHARDVS gente Bojus, genere Comes, cum è Collegio Bambergensium Canonorum ad Religiosorum se juvenis transfuisset, à suis inde nolens extractus & in Gallias est amandatus; ut (quod hodie etiam amat fieri) cum veste mores sanctos & sanctiora proposita poneret. Sed non præpotuere Numini amicorū inimica consilia. Redux enim in idem monasterium se abdidit; Biburgensi dein Asceterio, mox etiam Salisburgensi Episcopatu iussus præesse, in miseris, si quisquam alius, pius fuit. Itaque Promum Condum et si seniculum insequi hospitem Biburgo Ratisponam usque compulit, & quem transeunti negaverat, vini haustum deferre: ipse, cum Italianam peteret, agræ mulierculæ equum cecidit, & pedes Apenninum conscendit. Elephantiacorū cum & corpora & animos

CHRIST

curaret, reddente ex his uno cum vomitu Divinum Epulum, ore suo omnia excepit, nec multò post cognovit, sub agro illo CHRISTVM latitasse virtutis suæ exploratorem. Dum vixit, nulli unquam quidquam MARIÆ nomine petenti denegavit, ideoque mortuum nonnemo sinu MAGNÆ MATRIS velut infantem foveri vidit, & nectare, quod ipsa illi VIRGO libavit, inebriari. Quid hîc agitis Sodales Mariani? Matrem esse vestram MARIAM vultis? pauperum patres este. Et profectò aut filii MARIÆ non estis, aut Fratri EBERHARDO sinum invidetis.

*Ex tom. 2. Henric. Canis. & 10. 1. Bav. S.*

S. SIMEON SALVS C. 1. Iulii.

Quisquis vestium splendorè quæris, cum SIMEONE, si oculos habes, videbis, si animum, etiam indues. Nempe cœnobium ingresso cùm adolescentulus nuper religiosâ veste indutus occurrisset, vidit caelestè inter comitatum multo lumine insignem & Angelico habitu regiâque coronâ exornatum incedere. Quare eandem dignitatem cum IOANNE fratre tam diu ambivit, dum uterq; est potitus. Sed & Philosophum videtis in uno SIMEONE geminum. Heraclitum inquam & Democritum, sed Christianum. Nemo alius tam doctè aut flendo risit, aut ridendo deflevit.